

կաւաթիւ, նախ քան գերրորդ գաղթականութիւնը շինած են այս եկեղեցիս, թէպէտ և շունենամ յայսմ մասին գրաւոր ապացոյց մի: Ճանշնալով զՀայս և նոցա խիստ կրօնական սկզբունքը, շեմք կրնար համաձայնիլ, որ նոքա տեղոյ մի վրայ հարիւր տարի բնակելով՝ շունենան իրենց աղօթատեղին, մինչդեռ այլ տեղուանք նոցա փոքրախումբ ժողովրդոց, ինչպէս Ղրիմու թերակղզոյն մէջ կամ Արփկասու սարերուն վրայ՝ առաջին շինութիւնքը՝ եկեղիցիք են: Հուսկ ապա եկեղեցւոյս ճարտարապետական ոճը՝ որոշ և յայտնի ապացոյց մի է նորա խորին հնութեան¹:

Չուածև է չենքն, ճակատը վերուստ ՚ի վայր ուղղաբերձ հատած. ստուար պատերն անարդիլ յենարաններ ունի, լուսամուտներն սակաւաթիւ, երկու կողմէն մի հատ, փոքրագիր և անմիջապէս կից կամարին, որք աւելի բերդերու որմնածերպի՝ քան պատուհանի ձև ունին: Ի միջավայրի է եկեղեցիս, նորա շորս պտոյտը կան գերեզմանաքարինք, որոց շուրջը որմած: Եկեղեցւոյս շինողաց միտքը յայտնի կը ցուցնէ այդ որմածը. զի նոքա պէտք ժամանակին՝ նախատեսեղած են՝ աղօթից նուիրեալ անկիւնս՝ ի բերդ փոխարկելու՝ ուր կարելի լինի պաշտպանուիլ, պատերազմի իրաց անտեղեակ, յարձակող թշնամւոյն դէմ. դարձեալ այդ եօթնկանգնեան պարիսպն արգելք է թշնամւոյն, որ չի տեսնար ինչ կը լինի պարօպապատին մէջ: Քարձրաբերձ զանգակատան պակասութիւնը՝ ցոյց է այն ստոր-

1. Թեոդոսիա քաղաքին արգելանոցին մէջ գտնուած Հայոց դատարկ եկեղեցիներուն և այս եկեղեցւոյս շինութեան ոճոյն մէջ՝ շատ մերձաւոր նմանութիւն կը նշմարուի: